
Пенсионерлар – Пенсия жамғармаси эътиборида

Мамлакатимизда ҳуқуқий демократик давлат, кучли фуқаролик жамияти қуришга, эркин бозор муносабатларига ва ҳуқуқий мулк устуворлигига асосланган иқтисодий ривожлантиришга, халқ осойишта ва фаровон ҳаёт кечириши учун шарт-шароитлар яратишга қаратилган комплекс чора-тадбирлар амалга оширилмоқда.

Ўзбекистон Республикаси Президентининг 2015 йил 14 апрелдаги ПФ-4715-сон «Кексаларни ижтимоий ҳимоя қилиш ва моддий қўллаб-қувватлашни янада кучайтириш бўйича қўшимча чора-тадбирлар тўғрисида»ги Фармони бунинг яққол мисолidir. Мазкур Фармонга асосан Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси маблағлари ҳисобидан 100 ёшга тўлган ва ундан ошган фуқаролар пенсиясига 2015 йилнинг 1 майидан бошлаб ҳар ойда энг кам иш ҳақининг 100 фоизи миқдорида қўшимча тўлов амалга ошириб келинмоқда. Ҳозирги кунда вилоятимиз бўйича 100 ёшдан ошган 77 нафар пенсионер истиқомда қилади ва уларга юқорида келтирилган қўшимча тўлов амалга ошириб келинмоқда.

Молия вазирлиги ҳузуридаги бюджетдан ташқари Пенсия жамғармаси Фарғона вилоят бошқармаси томонидан 3-4 август кунлари Мустақиллигимизнинг 27 йиллиги муносабати билан табриклаш ҳамда уларнинг ҳолидан хабар олиш мақсадида ушбу 77 нафар фуқароларнинг яшаш манзилларига борилди. Сўхбат давомида 1 асрдан ортиқ умргузаронлик қилган онахонлар ҳозирги кунда қарияларга берилаётган эътибор, уларга кўрсатилаётган ғамхўрликлардан миннатдор эканлигини таъкидлашди. Дуоларида шундай улуғ кунларга етиб келганидан яратганга шукурлар айтиб, юртбошимизга ўзларидан узоқ умр кўришликни тилаб қолишди.

Сўхбат давомида Пенсия жамғармаси Фарғона вилоят бошқармаси бошлиғи М.Сатторов фуқароларни Мустақиллигимизнинг 27 йиллиги билан табриклаб, ҳозирги кунда аҳоли турмуш даражасини яхшилаш борасида олиб борилаётган ислохотлар, шу жумладан пенсионерларга яратилаётган қулайликлар ҳақида гапириб ўтди. Пенсия жамғармасининг ҳудудий бўлимларига бу фуқароларнинг ҳолидан доимий хабар олиб туриш, пенсия пулларини 1-навбатда фуқаронинг ортиқча оворагарчилигисиз тўлаб берилиши бўйича топшириқ берди.

100 ёшга тўлганлиги муносабати билан қўшимча тўлов қўшилган август ойи пенсия пуллари ҳам Халқ банки ходимлари томонидан тўлаб берилиши фуқароларнинг хурсандчилигига сабаб бўлди.

Бу каби тадбирларни фуқароларнинг бошқа қатламларини ҳам қамраган ҳолда амалга ошириш режалаштирилган.

2018-08-07 17:24:33